

## **MYDEBIT 'WAVE & WIN CONTEST' (15hb Ogos 2018 – 31hb Disember 2018) TERMA & SYARAT**

### **A. PENGANJUR**

1. Peraduan ini dianjurkan oleh **PAYMENTS NETWORK MALAYSIA SDN. BHD.** ("PayNet") (Syarikat No.836743-D) bersama dengan **GOLDEN SCREEN CINEMAS SDN BHD** (No. Syarikat 3609-M) ("GSC") (secara kolektif dirujuk sebagai "Penganjur").
2. Dengan menyertai Peraduan ini, peserta adalah dianggap telah membaca dan memahami syarat-syarat Perlindungan Data Peribadi dan Polisi Privasi dan dengan ini memberi kebenaran untuk sebarang pemprosesan data peribadi mengikut Polisi Privasi. Sila rujuk laman web kami di [www.gsc.com.my](http://www.gsc.com.my) untuk mengakses Polisi Privasi kami.
3. Pertandingan *MyDebit Wave dan Win* akan bermula dari 0:00:00 pagi pada 15 Ogos 2018 hingga 23:59:59 pada 31 Disember 2018 ("Tempoh Peraduan"). Semua penyertaan yang diterima selepas Tempoh Peraduan tidak akan dilayan. Pihak Penganjur berhak, mengikut budi bicara mutlak, untuk mengubah, menangguhkan, mengemas kini Tempoh Peraduan dan / atau melanjutkan Tempoh Peraduan dan / atau membatalkan / menamatkan Peraduan pada bila-bila masa tanpa notis terlebih dahulu.

### **B. KELAYAKAN**

1. Peraduan ini terbuka kepada Pemegang Kad Mesin Automatik ("ATM") MyDebit yang dikeluarkan oleh institusi kewangan yang menyertai MyDebit di Malaysia ("Pelanggan"). Hanya Pelanggan yang berumur 18 tahun ke atas dan mempunyai dokumen pengenalan yang sah (misalnya: kad pengenalan atau passport) layak menyertai Peraduan.
2. Pelanggan juga mesti mempunyai akaun yang sah dengan mana-mana bank yang menyertai MyDebit, tidak dormant dan dalam kedudukan kewangan yang baik, semasa Tempoh Peraduan sehingga penebusan Hadiah. Pelanggan hendaklah mematuhi keperluan kelayakan di atas untuk menjadi "Pelanggan yang Layak".
3. Pengarah, pegawai dan pekerja serta ibu bapa, pasangan dan anak-anak Penganjur tidak layak menyertai Peraduan ini.

### **C. KRITERIA KELAYAKAN**

1. Pelanggan mesti membelanjakan sekurang-kurangnya RM30 (Tiga Puluh) dalam satu resit untuk menyertai *Peraduan MyDebit Wave and Win*. (min. SATU (1) transaksi = 1 resit). Pembelian boleh dibuat dalam bentuk tiket wayang, barangan konsesi atau perbelanjaan di mana-mana cawangan GSC.
2. Hanya transaksi menggunakan Kad ATM MyDebit melalui transaksi tanpa sentuh dalam Tempoh Peraduan akan layak untuk Peraduan MyDebit *Wave dan Win*.
3. Penyertaan yang lewat adalah tidak layak. Tiada rayuan yang akan dilayan.
4. Tiket untuk filem yang dibatalkan atau dijadualkan semula adalah tidak sah untuk penyertaan dalam Peraduan ini di atas budi bicara mutlak GSC.

5. Bagi transaksi yang berkaitan dengan pembelian tiket filem, tiada had pada jenis tiket, dewan, masa tayangan dan format filem.

#### **D. PEMILIHAN PEMENANG**

1. Pemenang akan dipilih melalui cabutan rawak dari kumpulan penyertaan yang layak. Pemenang yang dipilih akan dihubungi melalui telefon dan dikehendaki menjawab soalan mudah seperti yang ditentukan oleh Penganjur ("Pemenang Senarai Pendek").
2. Sekiranya Penganjur tidak dapat menghubungi Pemenang Senarai Pendek selepas tiga (3) percubaan (tiada jawapan, nombor telefon tidak dalam perkhidmatan atau tiada hubungan rangkaian dll), Penganjur mempunyai hak untuk memilih Pemenang Senarai Pendek yang berikutnya dengan menjalani proses yang sama. Pihak Penganjur tidak akan bertanggungjawab sekiranya Pemenang Senarai Pendek tidak dapat dihubungi atas apa jua sebab.
3. Setiap Pelanggan hanya boleh memenangi satu (1) Hadiah sepanjang Tempoh Peraduan, tanpa mengira bilangan penyertaan yang diterima oleh Penganjur.
4. Pemenang yang disenarai pendek akan diumumkan dalam masa DUA (2) bulan selepas Tempoh Peraduan berakhir dan nama pemenang akan diterbitkan di laman web Penganjur.
5. Semua keputusan yang dibuat oleh Penganjur berhubung dengan Peraduan ini tetapi tidak terhad kepada senarai pendek pemilihan pemenang dan pelucutan hadiah adalah muktamad dan konklusif. Tiada surat, pertanyaan atau rayuan akan dilayan.

#### **E. HADIAH**

1. Hadiah untuk Peraduan ini adalah seperti berikut :
  - a. Hadiah Utama: 1 x Nissan Almera
  - b. Hadiah Pertama: 4 x iPhone X
  - c. Hadiah Kedua: 6 x PS4
  - d. Hadiah Ketiga: 6 x GoPro
  - e. Saguhati: 140 x 100 baucar menonton filem
2. Melainkan dinyatakan sebaliknya dalam Terma dan Syarat di sini, tiada penukaran atau pengubahsuaian kepada Hadiah yang diminta oleh Pelanggan akan dibenarkan.
3. Penukaran Hadiah untuk wang tunai tidak dibenarkan.
4. Pihak Penganjur berhak untuk menukar atau menggantikan Hadiah yang ditawarkan dalam Peraduan ini dengan Hadiah lain yang sama nilainya tanpa notis terlebih dahulu.

#### **F. PENEBUSAN HADIAH**

1. Untuk Hadiah Utama, Hadiah Pertama, Hadiah Kedua atau Hadiah Ketiga adalah tertakluk kepada terma dan syarat yang ditetapkan oleh syarikat pengeluar kereta atau pembekal elektronik/ telefon mudah alih. Setakat yang dibenarkan oleh undang-undang, Penganjur dan ejennya tidak bertanggungjawab terhadap semua liabiliti yang timbul daripada sebarang penangguhan, pembatalan, kelewatan atau perubahan kepada butir-butir Hadiah atau apa-apa keadaan yang tidak

diduga di luar kawalan yang munasabah oleh pihak Penganjur dan untuk apa-apa perbuatan atau keingkaran oleh mana-mana vendor atau pembekal pihak ketiga.

2. Pihak Penganjur berhak untuk menggantikan hadiah dengan hadiah lain yang sama tanpa notis terlebih dahulu. Semua pemenang tidak dibenarkan menukar Hadiah dengan tunai.
3. Apabila pemenang dimaklumkan mengenai kemenangan mereka, pemenang dikehendaki menebus hadiah mereka dalam tempoh SATU (1) bulan dari tarikh pemberitahuan dibuat. Kegagalan berbuat demikian akan menyebabkan pelucutan terhadap hak kemenangan tersebut dan tiada bayaran balik akan diberikan untuk sebarang hadiah yang tidak dituntut. Seterusnya, pemenang gantian akan dipilih.
4. Kad Pengenalan / Pasport asal mestilah ditunjukkan untuk penebusan hadiah.
5. Pemenang mesti mengambil Hadiah seperti yang dinyatakan di sini. Hadiah tidak boleh dipindah milik, tidak boleh dikembalikan dan tidak boleh ditukar dengan wang tunai. Penganjur tidak akan melayan terhadap sebarang aduan mengenai kualiti dan kuantiti Hadiah selepas menyerahkan Hadiah yang berkenaan kepada pemenang.
6. Pihak Penganjur tidak bertanggungjawab terhadap sebarang kehilangan atau kerosakan yang berlaku kepada Hadiah semasa proses penghantaran. Apa-apa kos tambahan lain (sebagai contoh perbelanjaan perjalanan) yang terlibat untuk menebus atau memungut Hadiah akan ditanggung sepenuhnya oleh pemenang.
7. Hadiah mungkin mengambil masa ENAM (6) bulan untuk dihantar kepada pemenang. Walau bagaimanapun, ini tertakluk kepada aturandengan pihak ketiga yang mungkin memerlukan pemenang untuk mengambil Hadiah di lokasi tertentu.
8. Pemenang akan menanggung semua caj / bayaran seperti yuran berdaftar, insurans, cukai jalan, dan apa-apa cukai yang dikenakan.
9. Penganjur berhak untuk menangguhkan tarikh dan tempat bagi menuntut Hadiah yang telah ditentukan sebelum penebusan Hadiah pada masa yang lain yang akan dimaklumkan oleh Penganjur kepada pemenang sekiranya berlaku apa-apa keadaan yang di luar jangkaan.
10. Visual Hadiah yang dipamerkan dalam mana-mana iklan, publisiti promosi dan bahan lain yang berkaitan dengan Peraduan ini adalah tujuan ilustrasi sahaja dan tidak boleh menggambarkan Hadiah yang sebenar.
11. Penyampaian Hadiah Utama kepada pemenang yang dipilih adalah bergantung kepada ketersediaan Hadiah Utama yang akan dimaklumkan kepada Pemenang Terpilih oleh Penganjur dari semasa ke semasa.

## **G. SYARAT UMUM**

1. Dengan menyertai Peraduan ini, Pelanggan bersetuju untuk melepaskan Penganjur dari apa-apa liabiliti, kerugian, hak ganti rugi, dan apa-apa jenis tuntutan dan tindakan yang terhasil daripada penerimaan, pemilikan, penggunaan atau penyalahgunaan Hadiah, atau apa-apa perkara yang berkaitan dengan Hadiah dengan mengambil kira, tanpa batasan kepada kecederaan, kematian, dan kerosakan harta benda.

2. Setakat yang dibenarkan oleh undang-undang , Penganjur tidak memberi jaminan atau perwakilan apa jua, secara nyata, tersirat atau berkanun, berhubung dengan Peraduan ini, Hadiah termasuk, tetapi tidak terhad kepada, kualiti dan kebolehgunaan berkenaan dengan Hadiah.
3. Pihak Penganjur berhak untuk meminda, mengubah, memadam atau menambah mana-mana Terma dan Syarat Peraduan ini dan / atau menukar atau menggantikan Hadiah (Klausa E di atas) yang ditawarkan dalam Peraduan ini dengan hadiah yang sama nilainya dan / atau mengubah , membatalkan, menamatkan atau menggantung Peraduan ini pada bila-bila masa tanpa notis terlebih dahulu. Tiada pampasan dalam bentuk tunai atau apa-apa jenis yang akan diberikan untuk apa-apa kerugian atau kerosakan yang dialami atau ditanggung oleh Pelanggan akibat dari perkara di atas. Pelanggan adalah dinasihatkan untuk menyemak Terma dan Syarat Peraduan secara berkala di laman web Penganjur atau laman web bank-bank yang terlibat.
4. Penganjur tidak akan bertanggungjawab untuk sebarang penyertaan lewat atau hilang disebabkan oleh Internet dan / atau isu-isu teknikal yang lain. Bukti penghantaran bukanlah bukti penerimaan.
5. Penganjur tidak bertanggungjawab untuk penyertaan yang tidak layak atau yang dibuat secara fraud.
6. Pihak Penganjur mempunyai hak untuk melupuskan pemenang yang dipilih sekiranya berlaku sebarang pelanggaran Terma dan Syarat. Pihak Penganjur mempunyai hak untuk membatalkan penyertaan palsu, atau penyertaan yang disyaki dipalsukan pada bila-bila masa.
7. Pihak Penganjur mempunyai hak untuk membatalkan Peraduan ini di mana-mana peringkat, jika dianggap perlu, dan / atau jika terdapat keadaan di luar kawalannya.
8. Pemenang dikehendaki menghadiri sesi fotografi dan videografi. Pihak Penganjur berhak untuk menggunakan aset ini untuk tujuan promosi.
9. Keputusan Penganjur adalah muktamad. Sebarang aduan dan pertanyaan tidak akan dilayan.
10. Semua keputusan yang dibuat berhubung dengan Peraduan adalah muktamad, konklusif dan mengikat.
11. Sekiranya terdapat sebarang ketidakseragaman antara versi Bahasa Inggeris dengan Bahasa Melayu, versi Bahasa Inggeris akan diguna pakai.
12. Terma dan syarat akan ditadbir dan ditafsirkan selaras dengan undang-undang Malaysia dan adalah di bawahbidang kuasa eksklusif mahkamah Malaysia.

## **H. NOTIS PRIVASI**

1. Dengan mengambil bahagian dalam Peraduan ini, Pelanggan bersetuju dan memberi kuasa kepada pihak Penganjur untuk mengumpul, menggunakan, memproses nama mereka, nombor kad pengenalan (IC) yang telah ditutupkan dan butir-butir lain ("Data Peribadi") untuk tujuan menjalankan Peraduan ini, termasuk tetapi tidak terhad kepada pengumuman dan penerbitan Data Peribadi dan / atau foto Pelanggan di laman web Penganjur untuk tujuan pengiklanan dan publisiti.

2. Penganjur boleh menggunakan perkhidmatan pihak ketiga untuk memproses Data Peribadi Pelanggan. Semua pihak ketiga tersebut terikat dengan undang-undang untuk tidak menggunakan Data Peribadi Pelanggan selain dari cara yang dinyatakan di sini.
3. Di bawah undang-undang Malaysia, hak Pelanggan termasuk:
  - a. Hak untuk menarik balik persetujuan untuk penggunaan Data Peribadi pada bila-bila masa dengan menghubungi Penganjur di alamat e-mel yang disebutkan di bawah dengan memberikan kepada Penganjur nama Pelanggan dan alamat e-mel untuk tujuan pengalihan Data Peribadi tersebut;
  - b. Hak untuk memperoleh salinan Data Peribadi yang disimpan oleh Penganjur; dan
  - c. Hak untuk membetulkan Data Peribadi yang tidak tepat.
4. Penganjur akan mengambil langkah berjaga-jaga yang munasabah untuk memastikan Data Peribadi Pelanggan selamat, dan memastikan pihak ketiga untuk melakukan perkara yang sama. Walau bagaimanapun, Penganjur boleh mendedahkan Data Peribadi pelanggan jika diperlukan oleh undang-undang, waran geledah, sepina atau perintah mahkamah.

[TAMAT]